

續增科場條例



奏內稱鄉會試年

簡派主考等官復派御史監試武場則分圍監試暨

內簾監試文場則有巡牆磚門內簾內場各監

試巡牆磚門並無迴避明文若內簾內場監試

凡有本族及一切姻親考試者概令迴避故遇

文場鄉會試之年往往應行迴避之御史紛紛

告假卽無應行迴避之御史亦效尤告假臨時

開送幾有乏員之虞查武場例載監試御史如

有本族及有服姻親考試者卽自行呈明不必

續增科場條例

光緒十四年

完

開送等語惟文場尙未議及不知應行迴避者

祇內簾監試內場監試內簾二員內場十員較

之武場祇多六員若於此稍爲變通於監試士

子兩有神益請

飭禮部嗣後鄉試先行移會各道御史查明本族及

有服姻親如有應行迴避者准其自行呈明毋

庸開送內簾內場監試並將應行迴避之員先

於題

派巡牆磚門御史本內開列在前以均勞逸經此次

王肅明定章程之後如有捏詞告假卽照規避例嚴行議處等語臣等查科場條例內開會試及順全濟天鄉試主考同考內監試內收掌知貢舉監臨官隨提調外監試外收掌受卷彌封謄錄對讀四所各官之子弟姻族俱令照例迴避等語又嘉慶

九年奉 諭旨 欽此

上諭江南鄉試本年輪應江蘇巡撫監臨汪志伊籍隸安徽其子弟親族及至戚人等自當照例迴避至同姓不宗及疏遠親故於例本不迴避汪志伊祇須心續增科場條例

光緒十四年

辛

存公正何必以跡涉嫌疑爲此例外之請卽如順天鄉試朕所派監臨及執事人員甚多若概因疎遠之親戚故舊紛紛引嫌迴避將何人可以簡派乎該撫奏請令王汝璧監臨之處著不准行等因欽此又道

光二年軍機大臣面奉

諭旨嗣後遇有奏派各項差使所有應行開列入員著全行開列其屆期另有差使者於各該員名下註明

欽此又光緒十一年奉 諭旨 欽此

上諭嗣後應行開列考官人員於該部題本進呈後

不准再行告假以杜規弊欽此欽遵各在案是會
試順天鄉試入場官員皆於派出後令應行迴
避之士子迴避遵行已久並無令官員先行呈
明迴避士子之例誠以考官同考官與內外簾
監試科道及各所官均由臣部同日開單題
派需員較多與武闈之僅派數員者不同故歷奉

諭旨凡應行開列人員概不准以親故引嫌並不准臨

時告假以杜規避且士子迴避一條自主考同
依考知貢舉監臨提調以及各所官其子弟親族

續增科場條例

光緒十四年

至

皆應一體迴避不僅內外簾監試爲然若如該
御史所奏於咨取時令本員先行呈明即可免
其開列勢必紛紛以有親族應試爲詞希圖規
避而外簾各所人尤視爲畏途每屆各衙門送
到員數本屬無多此端一開更恐乏員開送其
中有無捏詞假託臣部無從查悉是欲杜規避
而規避轉多殊非覈實之道至所稱應行迴避
各員先於巡牆磚門御史本內開列在前以均
勞逸查內外監試各差向係按照科道次序開

單請錄入平簡營缺軍崇錄等表歸時東數前
派其奉貢年及歲對等補正風節再行奏用選職並
旨派出者亦不盡皆前列之員如因其有迴避於奏
派巡牆磚門御史摺內開列在前聲請入舉
簡派將未派之先皆得豫知某員在必派之列於試
事甚有關係該御史請將文場監試仿照武場
監試迴避章程變通辦理之處窒礙難行應毋
懇庸議等因奉 旨依議欽此

續增科場條例

光緒十四年

至

旨於光緒十四年十二月議覆

盛京將軍慶裕等奏奉省新設廳縣考試已滿五
屆應請添設廩增額一摺查原奏內稱光緒五
年前署將軍岐元等奏請昌圖府屬奉化懷德
二縣各設廩額二名增額二名五年一貢當經
禮部議覆該二縣本屆科試係初次舉行一縣
新進生員僅有二名不敷考取其廩增額數及
其出貢年分應俟考試五屆後再行奏明覈辦並
於光緒八年前署將軍崇綺等奏請設東邊道

屬鳳凰

興京兩廳及通化懷仁安東寬甸四縣廩增各額
復經禮部以光緒四年議設學額後甫經歲科
兩試取進無多應查照奉化懷德二縣成案俟
考試五屆後再行奏明覈辦等因各在案茲據
昌圖府詳稱奉化縣考過歲科案已七屆新進
文生十四名改歸本籍附生五名共十九名懷
德縣考試亦歷七屆新進生員十四名改歸本
籍附生四名共十八名應請遵照前奏每縣添

續增科場條例

光緒十四年

五

設廩增額各二名並據東邊道詳稱鳳凰

興京兩廳及通懷安寬等四縣自光緒四年起考
試六次所有鳳凰廳歸籍廩生八名新進文生
十八名共二十六名安東縣歸籍增生五名新
進文生十二名共十七名寬甸縣歸籍附生四
名新進文生十二名共十六名

興京廳新進文生三十一名通化縣新進文生十

興一名懷仁縣新進文生十一名足敷考取廩增
生各等情查該廳縣考試現均已五屆期滿取

進較多所有添設廩增各額覈與前奉部議相符懇准將鳳凰

興京兩廳各添設廩增額三名奉化懷德通化懷仁安東寬甸六縣各添設廩增額二名所設各額卽以從前附考別城改歸本籍之廩增附生內考取仍定爲五年一貢如無改歸生員卽以上次新進各生俟下屆歲試照考案先後挨次幫補新補廩生照例食餼十年方准出貢等語

禮部查光緒五年

續增科場條例

光緒十四年

旨

盛京將軍岐元等奏昌圖府屬新設奉化懷德二縣請各設廩額二名增額三名五年一貢當經臣部議覆以該二縣本屆科試係初次舉行一縣新進生員僅有二名與所設廩增各二名不惟人不副額至下屆考試時是否有可列優等之人尙難豫定應俟考試五屆後再行奏明覈辦又光緒八年

盛京將軍崇綺等奏

興京鳳凰二廳暨新設通化懷仁安東寬甸四縣

各請設立廩增缺額復經臣部以各該廳縣自光緒四年議設學額後甫經歲科兩試取進無多應查照奉化懷德二縣成案俟考試五屆後奏明覈辦等因各在案今據該將軍等奏查明奉化懷德二縣已考試七屆鳳凰

興京兩廳通化懷仁安東寬甸四縣已考試六次均均已五屆期滿取進較多足敷考取請將鳳凰興京兩廳各添設廩增額三名奉化懷德通化懷仁安東寬甸六縣各添設廩增額三名自係爲

續增科場條例

光緒十四年

蓋

慎重考試起見覈與奉天添設廩增各成案亦屬相符應請將鳳凰

興京兩廳各准其添設廩生額三名增生額三名奉化懷德通化懷仁安東寬甸六縣各准其添設廩生額二名增生額二名定爲五年一貢所設各額卽以從前附考別城改歸本籍之廩增生按額挨次充補照例出貢如無改歸廩增其改歸之附生應與歷屆新進各生俟下屆歲試照考案先後幫補新補廩生仍俟食餼十年後

方准出貢遇童試時卽由該廩生分別查明保結以符定例等因奉

旨依議欽此

光緒十四年十二月議覆結事中貴賢片奏鄉會兩試交卷領簽請嚴定章程等語查原片內稱本年順天鄉試派充外場監試接到內場來文遺失第一場試卷一本第三場試卷二本均經該監臨照例辦理查所官收受試卷是其專責何以遺失三本之多推原其故士子因試卷

續增科場條例

光緒十四年

奏

有犯規違式慮被貼貽笑有心携卷出場容或有之若概令其補行默寫未免啟僥倖之心定例交卷領簽至龍門有順天委官及營弁督率兵役收簽放行立法已極詳備惟人衆擁擠稽察難周擬請嗣後鄉會試闈中於受卷前一日監臨知貢舉會同監試御史按照入場士子名冊將簽數點明移交所官務令收卷發簽卽將點名號簿查對並添派委官營弁及兵役數名在龍門實力稽察凡無簽者不准一名放出如

受卷所簽支盡行發出後試卷或有短缺自係該所遺失應照例傳該士子入闈默寫儻簽支有餘則是龍門官役稽察不力致士子携卷混出應將該員弁照例議處並將該士子名冊扣除等語臣等查科場條例內開士子交卷時受卷官吏一手接卷一手發籤登時將點名號簿詳細查對等語又順治二年定諸生出闈必點籤稽查有卷發籤籤完必繳毋使不完者闈出又嘉慶六年奏准鄉會試交收墨卷屢有失少

續增科場條例

光緒十四年

五

其間書吏污損燬匿固所不免而本生恐被貼出弊混掣籤匿卷亦屬情事所有今科場照入照出各籤長不滿二尺或考具內自挾相似短籤爲朦混出入地步一時難於辨認嗣後科場照驗出入務製三尺以上綠頭籤庶易查驗又道光十五年議覆御史曾望顏條奏會試照出籤俱有提調硃筆畫押黏貼其上受卷吏一手接卷一手付籤責成龍門照出之委官協同督門營弁查收如士子無籤及持假籤斷籤而無

硃押者卽行拏往押回至公堂查訊等因各在案是鄉會試士子交卷受卷所官吏收卷發籤例應詳細查對點名號簿並於龍門口責成派出委官等協同督門營弁按名查收其無籤者不准放出至會試照出籤更有提調硃筆畫押黏貼其上以杜假冒立法固已詳備該御史所奏各節均係條例所載原無庸再定章程惟日久懈生難保無稽察不力致有士子携卷出場情事亟應申明定例以杜弊端嗣後鄉會試除

續增科場條例

光緒十四年

奏

至公堂收卷發籤各事宜仍由受卷所官吏遵照定例認真經理外其龍門口照出驗收籤支應仍責成派出之委官等協同督門營弁帶領兵役實力稽察如有士子無籤以及假籤斷籤希圖朦混者立卽押回至公堂查訊不准稍有徇縱並由監臨知貢舉監試御史提調隨時輪流督飭嚴查儻有短少試卷務須徹底根究是否實係該所遺失抑係士子携卷混出分別照例辦理所有該御史奏請添派委官營弁之處

應毋庸議等因奉

旨依議欽此

光緒十四年十二月議結山東山西河南陝西等省鄉試中式硃墨卷經磨勘官籤出除山西舉人閻雙玉等經覆勘大臣奏明免議外查科場條例內開謄錄作字草率謄錄官未經查出者罰俸三箇月謄錄書手責革又添註塗改脫寫改寫一二字非數日字無關弊竇查覈者免議又添註塗改字數添改跡涉可疑者罰停二

續增科場條例

光緒十四年

堯

科受卷官應貼不貼罰俸一年又草稿內未寫全題者罰停一科受卷官應貼不貼罰俸一年又引用後世事者罰停二科各等語又道光三年議結會試第一百三十八名張兆泰墨卷經文內筆鏞訛寫聲容非尋常筆誤照疵謬例罰停一科等因在案今山東舉人顏振榮孔憲標第三場硃卷謄錄草率應照例將謄錄官罰俸三箇月謄錄書手責革山西舉人王廷翊第一場墨卷塗改數目字查該舉人墨卷原寫通共

添註二十五字塗改三十六字復經點去改寫
通共添註塗改六十一字係爲款式不合起見
覈對改寫字數相符尙無弊竇應免置議山東
舉人孔昭錕第三場墨卷塗改字數改寫應照
例罰停會試二科受卷官應貼不貼罰俸一年
河南舉人李祥雲第三場墨卷草稿漏寫第四
問應照例罰停會試一科受卷官應貼不貼罰
俸一年山東舉人陳家讓第一場第二藝多引
用後世事應照例罰停會試二科主考官考官

續增科場條例

光緒十四年

李

俱抹出應毋庸議河南舉人郭毓榮第一場墨
卷第三藝邇誤貳殖誤植崔青山第一場墨卷
第三藝隣誤憐第二場墨卷第一藝筴誤莢均
非尋常筆誤可比應照道光三年成案各罰停
會試一科郭毓榮硃卷貳字崔青山憐字莢字
主考官考官均未抹出應將主考官罰俸六個
月同考官罰俸一年至河南舉人董蘭青詩內
扇靡功句硃墨不符陝西舉人高奎光三場草
稿全行塗改以上三卷跡涉可疑難保無別項

情弊應將原卷封發各該撫查明聲覆再行覈辦未經查覆以前該舉人覆試會試之處應行扣除等因奉

旨依議欽此

光緒十四年十二月議結磨勘各省學政送到光緒十二年歲考前列試卷並恩貢歲貢等卷籤出應議之覃緝斐等經覆勘大臣黏籤進

呈交部辦理查定例歲科試卷詩內出韻失黏者

本生考列三名以前罰停鄉試一科四名以後

續增科場條例

光緒十四年

空

廩生罰停廩餼一年增附生由本案補廩者亦

罰停廩餼一年學政未經抹出者大省每卷罰

俸三個月中省小省罰俸兩個月已抹者免議

又試卷內漏印一卷教官罰俸六個月提調失

察漏印一卷罰停三個月學政失察漏印一卷

罰俸一個月雖係公罪不准抵銷又應行罰科

各生如本科業經鄉試卽罰停下科鄉試又科

場條例內開中式試卷塗改抬頭字樣罰停二

科各等語又嘉慶十一年覆勘大臣奏准磨勘

各省歲科試卷應照鄉會試之例酌減辦理等
因亦在案今廣西河池州一等七名覃緝斐詩
已字花字失黏山西沁州一名李聯芳詩
靡字失黏李聯芳考列三名以前應照例罰停
鄉試一科如本科業經鄉試卽罰停下科鄉試
覃緝斐考列四名以後如係廩生及由本案補
廩者應照例罰停廩餼一年除李聯芳卷學政
已經抹出應毋庸議外其覃緝斐卷詩內失黏
學政漏未抹出廣西係小省應照例罰俸兩個

續增科場條例

光緒十四年

奎

月江蘇鹽城縣一等三名邵臨孚湖北沔陽州
一等十名張錫璜試卷接縫俱漏印應照例將
該教官各罰俸六個月提調官學政均未察出
應照例將各該提調官罰俸三個月學政各罰
俸一個月不准抵銷雲南劍川州一等五名姜
孟侯詩抬頭塗改其作何議處之處例無明文
應照嘉慶十一年奏准成案於鄉會試卷塗改
抬頭字樣罰停二科例酌減爲罰停鄉試一科
如本年業經鄉試應照例罰停下科鄉試學政

已經抹出應毋庸議等因奉
旨依議欽此

光緒十四年十二月准山東學政咨呈稱據四
氏學廩生孔廣烈等稟呈生等近服族人孔憲
紹自曲阜遷居汶上不明四氏民籍之分遽隨
汶上就近應試入學於光緒七年間考列優等
而汶上諸生知伊學業日進既至選拔之年恐
奪取該縣拔貢卽查明孔氏宗譜伊祖父父係
五品執事官伊亦蒙衍聖公會同前院咨補入
續增科場條例

光緒十四年

奎

品執事官在案諸生遂聲言伊三世皆係廟中
人員實與孔氏近服理應考試四氏再執事官
例有科舉之條何必謬附民籍如再冒昧進場
定以騎考相攻懇將孔憲紹撥歸四氏學或准
以八品執事官開除註冊一體鄉試等情咨部
前來查定例由貢監生充補

至聖執事官准應鄉試其由生員童生充補者亦准
作監生應試等語今孔憲紹既係八品執事官
例准鄉試卽不應再應童試其以汶上縣籍應

試本屬不合應如該學政所請准其仍留八品
執事官卽將汶上縣學附生開除嗣後不得仍
回汶上縣跨考

光緒十四年十二月議結江南浙江湖北湖南
福建甘肅等省鄉試中式硃墨卷除湖北舉人
王崧齡等各卷業經覆勘大臣奏明免議外查
科場條例內開謄錄作字草率謄錄官罰俸三
個月又添註塗改字數不符罰停一科受卷官
應貼不貼罰俸一年又試卷曳白罰停三科錯

續增科場條例

光緒十四年

卷

落題目字句未經添改者罰停二科受卷官應
貼不貼罰俸一年又墨卷題內字訛錯謄錄不
照原字謄寫自行改正對讀未經對出謄錄對
讀官每卷罰俸三個月謄錄書手對讀生責革
又舉子罰停二科者每名同考官降一級留任
主考官罰俸九個月罰停一科者每名同考官
罰俸一年主考官罰俸六箇月又舉子應停科
者考官應得處分分別已抹未抹辦理各等語
又道光二十三年奏准山東舉人張兆棟三場

以愛勝三字費解照疵謬例罰停一科又同治元年奏准河南舉人陳昭文三場第四問漏寫添註塗改字數誤添在第五問題下非尋常行款高低者可比罰停會試一科等因亦在案今江南第七十四名陳光宇第二場硃卷謄錄草率湖北第四十二名湯藝林第三場硃卷謄錄草率應照例將謄錄官各罰俸三個月江南第三十二名張士珩第二場墨卷添註塗改不符在十字以外第三場墨卷添註多十一字浙江

續增科場條例

光緒十四年

壹

第九十名邵湛霖第二場墨卷塗改不符在十字以外福建第三十三名李鑑昌第一場墨卷添註塗改不符在十字以外均應照例罰停一科受卷官應貼不貼罰俸一年第四十七名陳鳳翰第一場墨卷曳白應照例罰停三科受卷官應貼不貼應照例罰俸一年江南第一百十一名顧其義第二場墨卷第三藝流泉誤泉流草稿同福建第四十九名劉晉第三場墨卷第一二藝麓誤麓係題字第六十八名虞汝鈞第一場

墨卷彊誤強係題字湖南第十五名劉彬第二場墨卷第四藝春秋題漏寫宣公十有五年草稿同均應照例各罰停二科受卷官應貼不貼應照例各罰俸一年虞汝鈞硃卷主考同考官均未抹出應照例將同考官降一級留任主考官罰俸九箇月顧其義劉晉硃卷謄錄不照原字謄寫自行改正對讀未經對出均應照例將謄錄對讀官各罰俸三個月謄錄書手對讀生責革查墨卷不入內簾主考同考官應免議劉

續增科場條例

光緒十四年

奕

彬硃卷謄錄照謄主考同考官均抹出亦應免議福建第五十一名林圖南第二場墨卷第四藝披鱗句費解應照道光二十三年張兆棟成案罰停一科主考同考官均未抹出應照例將同考官罰俸一年主考官罰俸八個月浙江第二十一名黃同壽第一場墨卷文及添註塗改夾行寫查係漏寫一行於夾縫中添寫例無作何議處專條應照同治元年陳昭文成案罰停一科受卷官應貼不貼應照例罰俸一年惟查

江南舉人張士珩第二場第三場硃卷顧其義
第二場硃卷各卷面受卷官銜條辨認不清查
係解卷時於銜條上鈐用藩司印信以致模糊
應請

飭下該省監臨查明各該受卷官職名開送覈辦至
浙江舉人鄒士元經覆勘大臣聲明致元圭之
錫及邱索句草稿與硃卷相符惟墨卷塗改之
處筆跡不符致塗改字數多於原註其中難保
無修改情弊應將原卷封發該省查明聲覆再
續增科場條例

光緒十四年

奎

行覈辦未經查覆以前所有該舉人覆試會試
之處應行扣除等因奉
旨依議欽此

光緒十四年十二月彙題重赴鹿鳴筵宴一疏
准湖北巡撫咨稱候選知府張黼華係湖北嘉
魚縣人又准江蘇巡撫咨稱四品銜戶部主事
姚光發係江蘇婁縣人又准山東巡撫咨稱因
公革職浙江甯波府知府李汝霖係山東聊城
縣人又准直隸總督咨稱從二品

封典前廣西修仁縣知縣馬大鈞係直隸寶坻縣人
又前翰林院典簿劉正思係直隸蔚州人均於
道光戊子科鄉試中式舉人今屆光緒戊子科
鄉試計期已及週甲例應重赴鹿鳴筵宴各等
因到部查定例重赴鹿鳴筵宴四品以下得有
三品以上
封典人員照例咨部彙題內閣票擬仍照原官及所
得升銜品級請

旨遞加又彙題四品以下各官重赴鹿鳴筵宴內閣
續增科場條例
光緒十四年
矣

甘肅票擬八品以下各官及無職並四品以下革職
人員均加六品銜六七品各官均加五品銜五
品各官加四品銜四品各官加三品銜已有升
銜者卽由升銜品級遞加各等語又同治十年
臣部遵議重赴鹿鳴筵宴章程除三品以上大
員仍由各該督撫專摺奏請外至四品以下人
員無論係屬交議或照例具題均由臣部以應

否
賞給升銜聲明請

旨等因在案今湖北候選知府張黼華江蘇四品銜
戶部主事姚光發山東前浙江甯波府知府因
公革職李汝霖直隸從二品

封典前廣西修仁縣知縣馬大鈞又前翰林院典簿
劉正思均中式道光戊子科舉人本年鄉試適
逢週甲之期與重赴鹿鳴筵宴之例相符應准
其與宴其應否

賞給升銜之處謹遵照同治十年奏定章程聲明請

旨等因奉

續增科場條例

光緒十四年

奏

旨知道了欽此

員餘其商之... 奏定章程... 欽此

其與宴其應否... 欽此

欽此

欽此

欽此

欽此

欽此

欽此

光緒十五年正月咨覆前據國子監奏請八旗官學額外教習准由南學肄業生充補經本部議覆嗣後八旗官學教習統以四缺爲一輪按新舊輪補一週後再有缺出卽查取國子監肄業之恩拔副歲優貢生內無論曾否考取教習擇其屢列優等者揀送數人由管學大臣考取咨補等因在案本年九月廂藍旗教習單元亨丁憂遺缺係新章後第五缺輪應肄業生充補經本部劄行國子監揀送考取嗣據覆稱考取

續增科場條例

光緒十五年

一

得岳森萬祖恕李澤蘭等三名所有廂藍旗一缺應以第一之岳森充補經本部傳驗劄送充補亦在案茲准國子監咨呈稱廂黃旗漢教習張官雲等四員三次期滿內有一員輪應在監肄業生充補前經管學大臣考試得萬祖恕充補再有肄業班次缺出應以李澤蘭充補等因查本年奏定章程原爲鼓勵肄業諸生而設是以議定每次輪補肄業生教習缺出由管學大臣考取屢列優等者咨補卽國子監原奏亦稱

每遇新設教習缺出由肄業生屢列優等課卷
咨送管學大臣校其優劣補用一人是肄業生
准補教習係出缺一次卽應考補一人並無預
考數名陸續傳補之語誠以輪補一週必相距
數月該監肄業生考課亦必隨時互有優劣若
一次考送數名概准輪補則後來優等諸生不
得考補殊不足以昭公允惟此次業經營學大
臣考取三名聲明請補始如所咨辦理所有現
出輪補肄業生教習第二缺除由本部傳取萬
祖恕另文送補並俟第三次肄業生輪補到班
准以李澤蘭傳補外嗣後再有輪補肄業生缺
出應由國子監遵照奏定章程揀送屢列優等
之恩拔副歲優貢生數人由管學大臣考定一
人知照本部辦理不得再行一次考送數名以
符定章

光緒十五年正月會議廣西巡撫沈秉成奏請
撥鎮邊縣廩額並請加歸順州學額一摺查原
奏內稱上年准禮部咨兩廣總督張之洞等奏

續增科場條例

光緒十五年

二

小鎮安通判改爲鎮邊縣該處應試童生向入鎮安學者今爲歸順州屬縣自應另設學額且歸順州既升爲直隸州自未便仍占鎮安府學之額該府學額數未免過多應在鎮安府學內撥出二名作爲該縣之額等因奉

旨依議欽此咨行到粵茲據藩司轉據歸順直隸州稟稱鎮安廳改爲鎮邊縣撥出學額二名永爲該縣定額所請廩額未蒙議給可否於鎮安府學廩額內撥出二名作爲鎮邊縣廩額俾該縣

續增科場條例

光緒十五年

三

各童得資認保又歸該州管轄之湖澗寨及下雷土州所屬文武童向送鎮安府試由該府學額內酌撥取進今該州升爲直隸州湖澗下雷各童不能復應鎮安府試未蒙撥給學額可否仍在鎮安府學內撥出取進又該州屬應試人數較衆前隸鎮安府時歷屆科歲並行於州學原額外又於府學歲科額內撥取文生七八名今僅之州學原額四名殊覺人多額少亦擬請量爲增撥等情查新設鎮邊縣既設學額尙無

廩額應試之童無人認保應請於鎮安府學撥
出廩缺二名歸於鎮邊縣永爲定額四年一貢
至湖潤寨下雷土州各童厯由鎮安府學額酌
撥取進今屬於歸順直隸州不得再應府試擬
請卽於鎮安府學額內酌撥二名併入歸順直
隸州學額爲湖潤下雷登進之路嗣後歲科兩
試如果文理通順卽各取進一名倘不堪取進
則於歸順州各童內擇優遜取以拔眞才其歸
順文章祇有原額四名雖現議撥鎮安府學額

續增科場條例

光緒十五年

四

二名歸入州額尙較從前有減似涉向隅懇准
加給歸順州學額二名以廣登進等語禮部查
學政全書內開廣西鎮安府學額進十名廩生
五名增生五名三年一貢歸順州學額進四名
廩生二名增生二名四年一貢等語又乾隆五
十六年議准廣西天保縣甫經設學歲科兩試
取進文生八名應俟歲科輪試二次後設立廩
生二名增生二名食餼十年後方准出貢其出
貢年分卽照歸順州之例四年一貢等因亦在

案今廣西歸順州升爲直隸州改設鎮邊縣爲歸順州屬前經臣部議覆於鎮安府學十名內撥出二名作爲該縣定額鎮安府學仍留八名茲據廣西巡撫沈秉成以鎮邊縣既設學額請仍於鎮安府學廩額內撥出二名歸於鎮邊縣等因自係爲慎重考試起見惟查該縣甫經設學僅有學額二名若卽添設廩增二名將新進附生一經考試卽儘數幫補未免過優擬請援照天保縣成案俟歲科輪試二次後由鎮安府

續增科場條例

光緒十五年

五

學內撥給廩增各二名定爲鎮邊縣廩增額新補廩生俟食餼十年後方准出貢嗣後出貢年分亦照歸順州之例四年一貢該縣未設廩增以前仍由取進附生認保以專責成其鎮安府學卽定爲廩增額各三名俟將來裁撥廩增額缺後所有出貢年分應一併改爲四年一貢至原奏又稱湖潤寨下雷土州各童不得再應府試請於鎮安府學內撥出二名併入歸順州爲湖潤下雷登進之路其歸順州文章向於州屬

取進外又於府學撥取今升爲直隸州只有原額四名較前似涉向隅請加給文學額二名等因檢查該省存部學冊鎮安府額向俱酌撥歸順州及湖潤下雷等處文章取進該州既升爲直隸州又將湖潤下雷等處撥歸州屬俱不得再應府試府額八名所留過寬係屬實在情形自應再行酌撥惟所請撥鎮安府學額二名併入歸順州學爲湖潤下雷登進之路另行加給歸順州學額二名之處查歸順州原額四名現

續增科場條例

光緒十五年

六

請由鎮安府學內撥額二名雖爲湖潤下雷登進之路而該二處文章考試向來取進寥寥既據該撫聲稱文理不堪取進仍由歸順州各童內選取是歸順州文章登進已寬今於撥額二名外再請加額二名共計增撥四名倍於原額未免太優擬請由鎮安府學額內撥出二名併原額四名定爲歸順州學額六名嗣後湖潤下雷等處文章均歸入州屬各童內考試一體憑文取進所請加給歸順州學額二名應毋庸議

等因奉

旨依議欽此

光緒十五年正月議結光緒十四年戊子科江西四川廣東廣西雲南貴州等省鄉試中式硃墨卷除江西舉人楊裕宗等經覆勘大臣奏明免議外查科場條例內開詩句平仄失粘罰停二一科又試卷錯落題目字未經添改者罰停二科受卷官應貼不貼罰俸一年又舉人罰停二科者每名同考官降一級留任主考官罰俸九

續增科場條例

光緒十五年

七

個月罰停一科者每名同考官罰俸一年主考官罰俸六個月又舉人應停科者考官應得處分分別已抹未抹辦理又硃卷面主考官遺漏取中字罰俸六個月各等語又嘉慶十三年奏准福建舉人張士鳳詩內一聯費解應罰停會試一科又道光六年奏准貴州通省硃卷卷面均未填寫名次正副考官照遺漏舛錯例各罰俸一年又道光十九年奏准山西舉人劉楷頭場眞草尙未全然不符惟脫落舛錯太多照眞

草全然不對例酌減爲罰停會試二科受卷官
應貼不貼罰俸一年等因亦在案今四川第九
十名顏應景頭場詩內鹿字失粘應照例罰停
一科主考同考官均抹出應免議第九十六名
李文科頭場詩題抒誤作應照例罰停二科受
卷官應貼不貼應照例罰俸一年主考同考官
均未抹出應照例將同考官降一級留任主考
官罰俸九箇月廣西第七名陳錫鸞頭場詩內
第五聯費解第十六名陳仕揚頭場詩內駒光

續增科場條例

光緒十五年

八

句費解應照嘉慶十三年張士鳳成案各罰停
一科陳錫鸞硃卷主考同考官均未抹出應照
例將同考官罰俸一年主考官罰俸六個月陳
仕揚硃卷詩內駒光塗改蟾光惟墨卷駒光費
解查墨卷不入內簾主考同考應免議雲南第
七名楊寶琨二場墨卷眞草多有不符應照道
光十九年劉塔成案罰停二科受卷官應貼不
貼應照例罰俸一年又廣西通省硃卷卷面均
漏填姓名漏批取中字查通省卷面漏填取中

姓名例內並無作何議處專條應比照貴州通
省硃卷漏填名次成案將正副考官各罰俸一
年又通省硃卷漏批取中字未便僅照遺批一
旨卷本例罰俸六個月辦理應從重將正副考官
照遺漏舛錯例各罰俸一年至廣西第十六名
陳仕揚一卷詩句費解業經臣部照例議以罰
科其磨勘官覆勘大臣籤出硃卷詩內硃墨塗
改甚多與墨卷不符又墨卷詩真草不符查墨
卷詩內真草不符硃卷詩內塗改處與墨卷磨

續增科場條例

光緒十五年

九

真不符草稿相符蹟涉可疑顯有修改字句情
弊非行知該撫查說明確未便遽行核議應由
臣部將原卷封發該省由該撫查明聲覆俟查
覆到日再行核辦現在該舉人覆試會試之處
處應行扣除等因奉旨依議欽此

旨依議欽此

光緒十五年正月具奏直隸奉天廣東山東廣
西湖南山西福建江西甘肅雲南等省鄉試年
老諸生直隸任甫明齊克明劉光斗奏天魯景

晉廣東關鐸楊道生山東李芳谷周應捷賈爽
亭林懋懋孫興彪周朶臣杜象晉王丕基廣西
呂運春陳毓理陳岱錕湖南賀華實文炳陽山
西李榮震徐炳福建應有齡黃飛熊江西劉書
遠彭泰豫李聯輝胡家珍彭蘿繡甘肅陳澗堂
等三十九名擬請

賞給舉人廣東李珍直隸郭炳南寇文錦鄭配琦李

秀山東王崑玉鞏浚修徐景尼呂天倫陳紹開

張元吉馮長清倪文泮王雲程索岱峰周光淋

續增科場條例

光緒十五年

十

雲南孫汝舟王貞吉廣西周積功能兆先湖南

唐壯猷陳師尙李益陽戴炳如何廷魁張斗寅

山西郭俊彥蒲鎮中席遇文任常福喬保善李

穎王爵江西朱格言羅起鵬彭樹人黃作梅黃

炳文鄧光溥劉汝湘彭延臧劉鳳鳴吳辛酉福

建阮飛光王立言林榮光陳善騰李文岱陳嘉

猷馮峻德李光昌甘肅何元杰等五十二名擬

請

賞給副榜等因奉

旨依議欽此

光緒十五年二月具奏順天等省鄉試中式舉

人補行覆試

欽定日期一摺奉

旨著於二十三日在保和殿覆試欽此

光緒十五年二月內閣奉

上諭此次覆試各直省舉人列入一等之張蔭椿等

一百名列入二等之林清照等三百名列入三等

之宋葆昌等四百六十八名均著准其一體會試

續增科場條例

光緒十五年

十一

列入四等之周文燦哈卜齊顯高蒼楨劉佐宸馬

河圖路在茲章淦聚鄧鶴鳴李盛春倪震埏李舒

馨陳世瑞陳傑輔謝乃元謝庭芝何鼎元宋鳴鳳

張鴻博均著罰停會試一科李熙春林興家慶祿

均著罰停會試二科不列等之飈壽著斥革舉人

欽此

光緒十五年二月具奏各省駐防繙譯舉人覆

試日期一摺奉

旨著於二十七日在保和殿覆試欽此

光緒十五年二月奉

上諭此次補行覆試順天及直省鄉試舉人列入一等之陳澤霖等八十名列入二等之丁葆和等一百六十名列入三等之石之泉等二百四十七名俱著准其一體會試列入四等之邱肇基趙衡袁振森方篤行周慶宸許鵬馮其濬均著罰停會試

一科欽此

光緒十五年二月內閣奉

上諭此次覆試各省駐防繙譯鄉試舉人考列二等

續增科場條例

光緒十五年

十一

之迎陞等四名三等之長春等十名均著准其一體會試四等之霍變圖崇福均著罰停會試一科欽此

光緒十五年二月議覆四川總督劉秉璋等題請加雲陽縣文武學額一疏查原疏內稱夔州府屬之雲陽縣原定文武學額各八名廩增額各二十名二年一貢乾隆四十四年因應試人少將學額撥去一名改歸府學取進該縣僅存七名迄今百餘年來多士爭自濯磨人文稱盛

每屆應試已加十倍而照額錄取僅只七名查光緒七年九年十一等年先後奏請城口廳原定學額三名請加一名定爲四名越巂廳原定學額六名請加二名定爲八名大甯縣原定學額四名請加二名定爲六名均先後議准遵照在案茲據該縣府轉據邑紳聯名公懇請增文武學額各三名核與同府之大甯縣請加學額事同一律似應俯如所請准將雲陽縣文武學額各加三名定爲十名卽以下屆歲試爲始至

續增科場條例

光緒十五年

十三

廩增貢額仍照舊辦理等語禮部查乾隆四十四年議准四川石砭廳設立廳學於夔州府學原額內撥進額六名夔州府額十四名僅存八名未符府制應將應試人少之巫山雲陽二縣各減一名改歸府學於合屬士子內取進其額十名巫山雲陽各額七名等因在案又光緒八年議准四川大甯縣原由奉節縣分設今大甯縣文風日上准加取文童進額二名定爲六名又光緒九年議准四川城口廳自改設後文風

日盛所有城口廳文學額酌加一名連原額三名定爲四名又光緒十一年議准四川越巂廳自裁減學額以來百有餘年升衛爲廳人文較盛准加文學額二名連原額六名定爲八名等因亦在案又查例開雲陽縣學額進七名廩生二十名增生二十名二年一貢等語今該督等以雲陽縣文學額原定八名撥歸府學一名僅存七名現在人文稱盛援案請增文學額三名自係爲鼓勵士林起見惟查該督所引之城口

續增科場條例

光緒十五年

古

廳大甯縣加額各案核其名數尙不及雲陽原額之多卽越巂廳加額二名連原額六名亦僅八名且查學額檔冊夔州府屬府學額進十名所屬各學至多不過八名今雲陽縣學額進七名驟請加額三名與府學相埒未免過優並恐所屬各學紛紛援照辦理更滋冒濫臣等公同商酌所有雲陽縣學從前原定進額八名撥歸府學一名現在人文稱盛應准其增額一名定爲每歲科試各取進八名以符原額其廩增額

數應如該督所請仍照舊例辦理等因奉

旨依議欽此

光緒十五年二月具奏四川湖北陝西河南安
徽江蘇浙江等省鄉試年老諸生四川周惠嘉
劉肇新湖北李燮陳田壽祁遇隆吳彥藻黃廷
灼陝西劉希孟華岫河南牛書田安徽余星汪
延齡陳用庚鄧儒臣司朝膠林之淦查建廷祁
人瑞羅青選何心田楊立培王藻江江蘇陶成
士宋發元徐肇績陳壽先張化成夏炳南莊順
昌等二十九名擬請

續增科場條例

光緒十五年

五

賞給舉人四川冉龍光熊福燊袁秉益范學海黎鼎
森唐以欽劉玉龍湖北陳懋森楊芳吉鄭德烜
程崇熙程惇洛周道南汪桂三程孝思金鍾翹
貢元龍張霖湛深李燮文王樹猷陝西王慎德
浙江陳廷梅金誥成河南李景白袁子震陳天
敘張鏡泉張錦鄉王修齡司長慶王金杜俊林
張應白展汝川來作賓安徽張旣高江襄杜乙
峰張潛德王慕康江蘇陳良謨顧修齡吳懋修

劉純嘉王介儒向楚葵劉桐棲范鏞趙英選王
本燮耿青藜胡汝銓丁桂上馬桂馨姜景遠夏
悅衷彭敬惠吳壽圖徐錫齡等六十名擬請具

賞給副榜等因奉

旨依議欽此

光緒十五年三月片覆准工部片查本部郎中
岑春煊呈稱原名春澤係廣西西林縣人由監
生報捐主事籤分工部光緒乙酉科中式舉人

十四年五月奉

續增科場條例

光緒十五年

共

懿

旨岑春澤著以郎中仍歸本部卽補欽此十五年二

月奉

旨岑春澤著免補郎中以郎中應升之缺儘先升用

欽此今逢己丑科會試志切觀光情願赴考應

行禮部查明該員是否合例送考等因當經片

行吏部查明該員岑春煊所得獎敘是否核准

其免補郎中以郎中應升之缺升用係升何項

官階去後茲據覆稱該員所得獎敘業經欽奉

諭旨允准應卽註冊該員係免補郎中以應升之缺

升用既非現任亦非候補之員應否准其會試
應由吏部核辦等因片覆前來查該員岑春煊
既經吏部覆稱既非現任亦非候補之員是該
員尙未指定何項官階自應准其會試

光緒十五年三月具奏本年己丑科會試前經
臣部奏

派外場巡察御史奉

旨派出監察御史劉綸襄欽此今該員復於三月初

六日奉

續增科場條例

光緒十五年

七

旨派出會試同考官應照例令該員卽日入闈分校
所有外場巡察事宜應由都察院另行派員前
往接辦現據都察院揀派御史吳光奎接辦外
場巡察事務等因奉

旨知道了欽此

光緒十五年三月具奏宗室文會試

欽定中額一摺奉

硃批著取中三名欽此

光緒十五年三月具奏宗室文會試新中貢士

欽定覆試日期一摺奉

旨著於二十七日在保和殿覆試欽此

光緒十五年三月本部題請

欽定文會試中額一疏奉

旨這會試滿洲取中八名蒙古取中三名漢軍取中
六名直隸取中二十三名奉天取中三名山東取
中二十一名山西取中十名河南取中十七名陝
西取中十四名甘肅取中九名江蘇取中二十五
名安徽取中十七名浙江取中二十四名江西取

續增科場條例

光緒十五年

六

中二十二名湖北取中十四名湖南取中十四名
四川取中十四名福建取中二十名臺灣取中二
名廣東取中十六名廣西取中十三名雲南取中
十二名貴州取中十一名欽此

光緒十五年三月會議吉林將軍希元奏稱吉
林長春廳擬請改建府治並於農安分設一縣

歸府管轄一摺查原奏內稱吉林省城西北爲

長春廳境本蒙古郭爾羅斯前旗游牧收地嘉慶

五年始奏設理事通判於長春堡道光五年因

廳屬寬城商賈輻輳移建通判衙署於此光緒
七年前任將軍銘安奏改理事通判爲撫民通
判仍加理事銜於農安城添設分防照磨奴才
到任後訪知長春一廳案牘最煩號稱難治體
察久之今乃益信前者吉林道豐仲泰有分建
府縣之請飭據署通判善慶履勘詳覆查原設
通判所駐之寬城爲吉林赴奉天通衢大道今
擬升爲府治改設知府名曰長春府而於寬城
正北之農安城分設縣治名曰農安縣歸府統

續增科場條例

光緒十五年

九

屬長春旣改府治應將原設訓導改升教授並
於農安縣添設訓導一員農安生童向歸長春
廳考試今農安旣設知縣自應設立學校擬請
農安一學酌定學額二名由縣錄送長春府考
試現時長春並無考棚援照奉天昌圖府章程
送省城院考長春旣升府治本應請增學額惟
農安縣新設文武學額所有府學額數應請仍
廳學之舊暫可毋庸議增如將來文風日盛再
請增額等語禮部查吉林長春廳原定文學額

三名向附吉林考試光緒三年

盛京將軍崇厚等奏奉天昌圖廳升爲府治添設懷德縣請定學額經臣部會同議准懷德縣准其額進二名又光緒八年議覆吉林將軍銘安等奏吉林廳升爲府治並新設伊通州建官設學經臣部議將伊通州准設學額二名其吉林廳升爲府治原定學額八名應仍其舊毋庸議增等因各在案今據該將軍奏長春廳請改建府治並於農安地方添設一縣旣經吏部議准

續增科場條例

光緒十五年

二

所有農安縣學請定學額二名核與奉吉兩省歷辦成案相符應如所請准將農安縣設立文學額二名其新升長春府學額應仍廳學之舊毋庸議增至所稱農安縣童生卽由該縣錄送長春府考試長春現無考棚援照奉天昌圖府章程送省城院考之處亦應如該將軍所奏辦理嗣後該府縣應試童生務令各歸各籍考試不得彼此跨考其有籍隸農安從前取進在長春廳學者應卽飭學查明令其改歸農安應試

以免混淆

光緒十五年三月准刑部咨據河南巡撫咨伊陽縣民杜德立糾眾尋毆逸犯李成娃用鎗轟傷張天鈴身死一案至開復張福田廩生事隸禮部應將原文咨送禮部等因查原咨內稱杜德立因爭渠與張福田口角後糾同逸犯李成娃等前往堵築致李成娃用火鎗轟傷張添鈴身死張福田訊無在場幫毆情事惟因口角肇衅釀命應請開復廩生仍照不應重律擬杖八十照例納贖等語查已革廩生張福田雖據該撫訊明並無在場幫毆情事惟以口角肇衅釀命咎實難辭所請開復之處礙難核准

續增科場條例

光緒十五年

三

